



## ЭРИШИЛГАН ИҚТИСОДИЙ КЎРСАТКИЧЛАР ВА КЕЛГУСИ ПРОГНОЗЛАР МУҲОКАМА ҚИЛИНДИ

Президент Шавкат Мирзиёев ҳузурда жорий йилнинг 9 ойида эришилган иқтисодий натижалар, йил якунигача кутилаётган кўрсаткичлар ва 2024 йилга мўлжалланган макроиқтисодий прогнозлар муҳокама қилинди.

Жорий йилнинг 9 ойида мамлакатимиз иқтисодиёти 5,8 фоизга ўсди. Жумладан, саноат 5,7 фоиз, қишлоқ хўжалиги 4,1 фоиз, хизматлар 12,1 фоизга ошди.

Жаҳон бозорлари ва логистикадаги мураккаблиқларга қарамай, экспорт 23,5 фоизга ошди, 17,7 миллиард долларни ташкил қилди.

Иқтисодиёт тармоқлари ҳамда ҳудудларда йirik саноат ва инфратузилма лойиҳалари амалга оширилаётгани ҳисобига, 226,6 триллион сўм инвестициялар ушлаштирилиб, ўтган йилнинг мос даврига нисбатан 11,8 фоизга кўпайди.

Йиғилишда жорий йил якунигача кутилаётган кўрсаткичлар таҳлил қилинди.

Давлатимиз раҳбари дунёдаги оғир вазият иқтисодиётга салбий таъсир этаётгани ва номаълумлигича қолаётгани, шу боис, барқарор иқтисодий ўсишни изчил давом эттириш учун ички имкониятларни кўпроқ ишга солиш зарурлигини таъкидлади.

Айнан шунинг учун 2023 йилдан қўшилган қиймат солиғи 15 фоиздан 12 фоизга туширилди. Бунинг эвазига тадбиркорлар ихтиёрида 7 триллион сўм қўшимча маблағ қолди.

Шунингдек, ҳудудлар инфратузилмасини яхшилашга 35 триллион сўм, аҳолини ижтимоий қўллаб-қувватлашга 19 триллион сўм йўналтирилди.

Шуларнинг натижасида, жорий йилда нуфузли халқаро ташкилотлар томонидан глобал иқтисодиёт 3 фоиз ўсиши прогноз қилинаётган пайтда, миллий иқтисодиётимиз камида 5,6 фоизга ошиши кутилмоқда.

Йиғилишда 2024 йилда барқарор иқтисодий ўсишга эришиш чора-тадбирлари атрофида муҳокама қилинди.

Маълумки, жорий йил сентябрда қабул қилинган “Ўзбекистон — 2030” стратегияда иқтисодиётни барқарор ривожлантириш, аҳоли фаровонлигини ошириш бўйича кўплаб мақсад ва вазифалар белгиланди. Ҳукуматга 2024 йилга мўлжалланган иқтисодий дастурни мазкур стратегиядаги вазифаларни бажариш нуктаи назаридан пухта ишлаб чиқиш топширилди.

Бунда ялпи ички маҳсулотнинг ҳозирги ўсиш суръатини келгуси йилда ҳам давом эттириш учун барча имконият ва захиралар борлиги кўрсатиб ўтилди.

Хусусан, 2024 йилда 13 миллиард долларлик 300 дан зиёд лойиҳани ишга тушириш, энергия таъминотини барқарорлаштириш, тармоқлар самарадорлигини ошириш ҳисобига саноатда 6 фоиз ўсиш имконияти бор.

Хизматлар соҳасида 15 фоиз ўсишни таъминлаш учун транспорт, логистика, агро-хизматлар, суғурта, лизинг каби йўналишлардаги фойдаланилмаётган имкониятларни тўлиқ ишга солиш зарурлиги қайд этилди.

Давлатимиз раҳбари транспорт, сув хўжалиги, коммунал каби соҳаларда бошланган ислохотларни фаоллаштириш, бунда аҳоли ва бизнесни қўллаб-қувватлашга алоҳида аҳамият қаратиш зарурлигини таъкидлади.

ЎзА

## ЯНГИ ЎЗБЕКИСТОН РУҲИ 7+2 ТАМОЙИЛИ ЁШЛАР БИЛАН ИШЛАШДАГИ ИННОВАЦИОН ЁНДАШУВ

Мамлакатимизда ёшларнинг барча тоифаларини кенг қўллаб-қувватлаш, имконият ва салоҳиятини рўёбга чиқариш мақсадида маҳаллаларда ёшлар етакчиси лавозими жорий этилганига қарийб икки йил бўлмоқда. Шу вақт давомида етакчилар маҳалладаги ёшларнинг оғирини енгил қилиш, уларга муносиб турмуш шароитини яратиш баробарида йигит-қизларимизнинг ишончли ҳамкори, самимий маслаҳатқўйи ва энг яқин дўстига айланди.

Президентимизнинг 2022 йил 19 январдаги “Маҳаллаларда ёшлар билан ишлаш тизимини тубдан такомиллаштириш чора-тадбирлари тўғрисида”ги қарориди ёшлар етакчиси лавозими билан бира, ёшлар билан ишлашнинг янги бошқарув механизмларини жорий этиш, бунда вертикал тизим яратиш, муаммоларни бевосита маҳаллаларда ҳал этиш, таълим муассасаларида маънавий-маърифий ва тарбиявий ишлар самарадорлигини янада ошириш чора-тадбирлари ҳам белгиланган.

Бир сўз билан айтганда, ёшларга оид давлат сиёсатини рўёбга чиқаришнинг туб моҳияти ҳеч бир ёш эътибордан четда қолмаслигига қаратилган.

Бундай долзарб функцияни бажариши учун маҳалладаги ёшлар етакчиси қандай фазилат



ва кўникмаларга эга бўлиши лозим, улар зиммасига қандай вазифалар юклатилган?

Ёшлар етакчиси лавозимига устувор равишда олий маълумотли, истисно тарикасида ўрта махсус маълумотли, ёшлар билан ишлаш тажрибасига эга, шахсий фазилати, фидойилиги, садоқати ва ватанпарварлиги билан тендошла-

рига намуна кўрсатган ҳолда ордидан эргаштира оладиган шахслар танланиб, саралаш асосида ишга қабул қилинди. Шунингдек, ёшлар етакчисига қўйиладиган маънавий-маърифий, профессионал ва шахсий талабларга ҳам алоҳида эътибор қаратилди.

Давоми 4-5-бетларда

## “ЎЗБЕКИСТОН — 2030” СТРАТЕГИЯСИ

# ИЖТИМОЙ ДАВЛАТ ТАРАҚҚИЁТИ

“Ижтимоий давлат” тушунчаси “Инсон қадр” гоёси билан чамбарчас боғлиқ. Уларнинг туб негизиди, аввало, инсон қадрини улуғлаш, халққа хизмат қилишдек олижаноб мақсадлар ётади. Ижтимоий давлат моҳиятини ҳар бир инсон учун тенглик ва адолат тамойиллари асосида муносиб яшаш шароитини яратиш масалалари қамраб олади. Президентимиз таъбири билан айтганда, “Ижтимоий давлат бу, энг аввало, инсон салоҳиятини рўёбга чиқариш учун тенг имкониятлар, одамлар муносиб ҳаёт кечирishiга зарур шароитлар яратиш, камбағалликни қисқартириш, демакдир!”



Ижтимоий ва иқтисодий соҳаларни бир-бирисиз тасаввур этиб бўлмайди. Иқтисодиёт юксалиши кишилар ҳаётида янги қараш ва имконият очиб беради. Бугунги кунда жаҳондаги иқтисоди ривожланган мамлакатлар бошқа соҳаларда ҳам етакчилигини эгаллашга ҳаракат қилмоқда. Кейинги йилларда Ўзбекистонда ҳам бозор иқтисодиёти пойдеворлари тобора мустаҳкамланиб борапти.

Барқарор иқтисодий ўсишнинг сезиларли натижалари бугунги кунда яққол кўзга ташлана бошлади. Буни Ўзбекистон бозор иқтисодиёти ва муносабатларининг жаҳон стандартларига мос равишда ривожланиш жараёнини статистик таққослаш орқали кўриш мумкин. Сўнгги йилларда ишлаб чиқариш ва хизмат кўрсатиш соҳасининг жадал ривожланиши натижасида экспорт

2022 йилда 2020 йилгига нисбатан 1,3 баробар ошди, ўсиш суръати шу даврдаги 13,5 фоиз зарардан 15,9 фоиз фойдагача кўтарилди. Коронавирус пандемиясидан кейинги бундай ўсишни мамлакатимизда ташқи савдо муносабатларида кўлга киритилган ютуқлардан бири сифатида баҳолаш ўринлидир.

Юртимизда ўтган йилларда аҳоли реал даромади муттасил ўсди.

2012-2016 йилларда бу кўрсаткич 1,9 марта ўсган бўлса, 2017-2022 йилларда 2,2 баробар ошган. Аҳоли жон бошига реал даромад бу даврда 6,7 миллион сўмдан 16 миллион сўмга ёки 2,4 баробар кўпайган. Аҳоли жон бошига кўрсатилган хизмат ҳажми эса мазкур вақт давомида 8,1 миллиондан 10,3 миллион сўмга етган.

Давоми 3-бетда

## БИР МАКОН, БИР ЙЎЛ



“ЯШИЛ” КЕЛАЖАКНИНГ ЯНГИ ИМКОНИЯТЛАРИ

2

## МУЛОҲАЗА



ФУТБОЛ ЗАВҚИ АТРОФИДА БИРЛАШИШ ТАШАББУСИ

2

## БИЗ ВА ДУНЁ

# Ўзбекистон ва Хитой: ЎЗАРО ИШОНЧНИНГ МУСТАҲКАМЛИГИ ИККИ ТОМОНЛАМА МУНОСАБАТЛАРНИ РИВОЖЛАНТИРИШГА ХИЗМАТ ҚИЛМОҚДА

Ўзбекистон Президентининг Хитой Халқ Республикасига ташрифи ва “Бир макон, бир йўл” учинчи халқаро форуми тадбирларида иштироки Хитой ОАВлари диққат марказида бўлди.



Хитойнинг етакчи оммавий ахборот агентлиги, “Жэньминь жибао” ва “China Daily” газеталари, CGTN телеканали, “Китай”, “Lookwe” ва “Psearcher” журналлари Ўзбекистон Президенти Шавкат Мирзиёевнинг 17-18 октябрь кунлари Пекинда бўлиб ўтган “Бир макон, бир йўл” учинчи халқаро форумида иштироки ва нутқини кенг ёритди.

Жумладан, “Синьхуа” ахборот агентлигининг қайд этишича,

Давоми 2-бетда

## ХАЛҚАРО ФОРУМ



# СЕНТОБ — ЖАҲОН ТУРИЗМ КИШЛОҚЛАРИ РЎЙХАТИДА

Жаҳон туризм ташкилоти (UNWTO) Бош Ассамблеясининг 25-сессияси доирасида “Энг яхши туризм қишлоқлари” номинацияси бўйича тақдирлаш маросими бўлиб ўтди. Бу танлов UNWTO томонидан ҳар йили иқтисодий, ижтимоий ва экологик жиҳатдан барқарор ривожланаётган, шунингдек, маҳаллий қадриятлар ва анъаналарни сақлаб, уни тарғиб қилиб келаётган энг фаол қишлоқларни рағбатлантириш мақсадида ўтказилади.

Танловда бу йил Ўзбекистон қишлоқлари ҳам иштирок этиди. Булар — Самарқанд вилоятидаги Кониғил, Навоий вилоятидаги Сентоб, Сурхон-

дарё вилоятидаги Сангардак, Жиззах вилоятидаги Уҳум ва Фарғона вилоятидаги Аввал туризм қишлоқлари.

Давоми 3-бетда

